

史略新編

閔獻敬署

史略新編

版 權 所 有

編 著 者 傅 佐 衡

校 正 者 李 味 青

印 刷 者 美 華 書 館

牯嶺路八十號

史略新編目錄

卷一 統系圖 歷代歌 三皇 五帝 夏 商 周 列國分附各朝 秦

漢 東漢 後漢 三國魏 吳

卷二 晉 東晉 前趙 前燕 後趙 前涼 前燕 前秦 後秦 後燕 西燕 成漢 西秦 宋

齊 梁 後梁 陳 以上南朝 魏 東魏 北齊 西魏 北周 以上北朝 隋 唐 周 五代

後梁 吳越 楚 蜀 閩 南平 南漢 後唐 後蜀 後晉 南唐 後漢 北漢 後周

卷三 宋 南宋 西夏 契丹 遼 西遼 金 蒙古 元 明

卷四 滿洲 清 外交摘錄

終不能遺諸胸中。是吾偏也。賈充性巧詔。賈逵子也。父子臣魏。而爲司馬氏腹心。帝爲太子。充與有力。帝益寵充。荀勗（中書）與馮統（校尉）皆厚結充。勗先官中書。後遷尙書令。人賀之。勗曰。奪我鳳凰池。何賀爲。特鮮卑亂秦雍。帝欲命充督軍。充不願外出。勗曰。惟有結婚太子。乃可留。因與統勸帝納充女爲太子妃。充遂益專權。充嘗與朝士宴。庾純（祭酒）醉。與充爭言。充曰。父老不歸養。卿爲無天地。純曰。高貴鄉公何在。初司馬氏廢其君芳。范粲（太宰）遂不仕。寢所乘車。足不履地。凡三十六年。年八十四。初漢魏以來。羌胡鮮卑降者。多處之塞內諸郡。中原半屬夷人。漸爲民害。郭欽（侍御史）請漸徙雜胡于邊地。峻四夷出入之防。明先王荒服之制。帝不聽。又下詔撤去州郡兵後。五胡亂華。盜賊蠭起。州郡無兵不能制。晉室遂大壞。（前臺謂曹操分五郡。爲晉禍階。是天之報魏。假手于晉。而天之報晉。卽假手於魏。）齊王攸。（武帝弟）德望日隆。荀勗勸帝出攸都督青州。攸未行。憤怨發病死。王褒痛父儀（司馬）死于非命。（司馬師枉殺之）遂不仕晉。廬于墓側。攀柏悲號。涕泣著樹。樹爲之枯。讀詩至哀哀父母。生我劬勞。三復流涕。門人爲之廢蓼莪。初帝徵李密爲太子洗馬。密上陳情表。密嘗言吾獨立于世。顧影無儔。然而不懼者。以無彼此于人也。

孝惠帝

名衷。字正慶。武帝次子。元年庚戌。在位十七年。帝性愚駿。立賈充女爲后。弑太后。殺太子通。趙王倫誅后。并廢帝。反正後。成都河間二王。復舉兵反。帝食餅中毒崩。或曰太傅越酖之。年四十八歲。改元十。永熙一年。永平二月。元康八年。八月。永康。永寧。各一年。太安二年。永安建武各六月。永興光熙各一年。帝嘗在

華林園。聞蝦蟆。謂左右曰。此鳴者。爲官乎。爲私乎。時天下饑荒。百姓餓死。帝曰。何不食肉糜。賈后充女也。醜妬而淫。與程據等通。賈后兄模。與后舅郭彰等。薦託如市。貨賂公行。魯褒作錢神論。稱錢爲家兄。字之曰孔方。蓋諷之也。時張華（司空）裴頠（僕射）戀位苟安。無能救正。周處（中丞）有文武才。彈劾不避。會齊萬年反。權要惡處。使處討之。而援兵不發。處力戰死。處少不修細行。父老謂處曰。子知三患乎。南山白額獸。一也。長橋下蛟。二也。并子。三也。處遂殺虎。搏蛟。勵志修身。成正士。楊太后帝繼母也。數誡賈后。賈后憾之。楊太后父駿。（太傅）又抑賈后。不得預政。賈后乃誣駿謀反。殺之。因廢楊太后。賈后無子。立適爲太子。通幼慧而長不學。賈謐搆太子于賈后。召入強醉之。使潘岳（黃門）作書草稱詔。令書之。其文曰。陛下宜自了。不自了。吾當入了之。太子醉迷。依寫之。賈后呈帝。乃廢太子。旋毒殺之。時晉室八王。相繼誅死。八王者亮。倫。顯。瑋。父。允。穎。問。也。賈后徵亮爲太宰。亮頗專。賈后惡之。使帝作手詔命瑋收亮。并衛瑾斬之。張華慮瑋擅朝權。又勸賈后收瑋斬之。倫與孫秀。（嬖人）謀矯詔收賈后。賜死。并殺張華裴頠。以除朝望。華嘗辟韋忠。忠曰。張茂先（華字）依附賊后。必溺深淵。方恐餘波及我。况可襄袞就之耶。華至是及于難。於是倫有異志。倫自爲相國。秀典兵。已而允帥兵討倫。倫殺允。并殺潘岳石崇。崇被收。歎曰。奴輩利吾財耳。收者曰。何不早散之。崇與王愷（後將軍）皆富于財。以奢侈相高。崇有妾綠珠。秀求之不與。遂及禍。（綠珠自擲樓下死。宋子虛詩云。紅粉捐軀爲主家。珍珠一斛委泥沙。年來金谷園中燕。銜取香泥葬落花。吁。綠珠亦女中傑哉。而崇則財色死之也。）倫篡位。遷帝金墉城。其黨皆爲卿相。每朝會。貂蟬盈座。時人諺曰。貂不足。狗尾續。未幾問。穎。顯。父。等。討

倫。倫大敗。遂賜倫死。并殺秀。帝復位。罔輔政。罔驕奢擅權。顯乃表罔罪。請又廢罔。以穎輔政。又遂殺罔。穎亦恃功驕奢。嫌又在內。遂與顯共攻又。又奉帝拒之。已而東海王越收又殺之。於是穎與顯表裏爲奸。越討穎。戰于蕩陰。越敗績。帝頗中三矢。嵇紹（侍中）朝服登輦。以身衛帝。因被殺。血濺帝衣。穎迎帝入鄴。左右欲浣衣。帝曰。嵇侍中血。勿浣也。未幾東嬴公騰（越弟）起兵討穎。穎勢窮。顯乃廢穎。既而穎顯并被殺。凡八年中。八王皆死。（亮汝南王。倫趙王。顯河間王。瑋楚王。又長沙王。允淮南王。穎成都王。罔齊王。）陸機（中書郎）者。抗子也。與弟雲。右司馬。並有才名。兄弟附勢。與劉琨潘岳左思等。皆交賈謐。號二十四友。機爲成都王。穎都督。或譖之。穎收機。機歎曰。華亭鶴唳。可復聞乎。機與雲皆見殺。初顯榮戴淵勸機還吳。機不從。卒有是禍。先是或勸機讓都督之位。機曰。彼將謂吾首鼠兩端（鼠性疑出穴多不果。）適所以速禍也。八王既絕。五胡雲擾。五胡者。劉淵。石勒。姚氏。苻氏。慕容氏也。時江統（洗馬）作徙戎論。以警朝廷。帝不能用。及賈后召禍。諸胡乘釁並起。自長淮以北。無復晉土。爲戰爭場者。幾二百年。初東海王越。與顯之相攻也。劉弘（鎮南將軍）上表曰。骨肉之禍。莫如今日。萬一四夷乘虛爲變。此亦猛虎交鬪。自效于十莊者也。（莊子欲刺虎。或告之曰。兩虎方食牛。食甘必鬪。鬪則大者傷。小者死。一舉可得雙虎。）弘爲都督。每手書付守相。皆悅之。咸曰。得劉公一紙書。賢于十部從事。帝食餅。（或曰東海王越之鳩。）中毒崩。

附 趙王倫

字季彝。宣帝第九子。永寧元年篡立。僭號建始。凡四月。齊王罔誅之。惠帝復位。

趙廢

據蜀僭號。太平李特殺之。

孝懷帝

名熾字豐度。武帝第二十五子。初封豫章王。侍中華混等迎立。元年丁卯。在位六年。漢劉曜入寇。帝被執送平陽。卒爲所弑。年三十歲。改元永嘉。時王衍爲司

徒。以弟澄爲荊州都督。族弟敦。爲青州刺史。已居中。爲三窟以自固。至是劉聰遣石勒陷許昌。執衍問晉故。衍辭曰。少無宦情。不豫世事。因勸勒稱尊號。冀以自免。勒曰。君少壯登朝。何言無宦情。破壞天下。非君而誰。夜使人排牆殺之。一堆倒其牆。以壓殺之。石勒等執帝送平陽。封平阿公。劉聰問帝曰。卿家骨肉。何相殘如此。曰。大漢將應天命。故爲陛下自相驅除此天意。非人事也。劉曜使帝青衣行酒。弑帝。侍中庾珉王雋死之。

孝愍帝

名業字彥祺。武帝子。吳孝王晏之子。懷帝囚問至。帝遂卽位。元年癸酉。在位四年。劉曜陷長安。帝出降。尋至平陽。曜子聰出敗。使帝戎服前導。或更衣執蓋

。卒爲所弑。年四十八歲。改元建興。衛玠（洗馬）美風神。嘗曰。人有不及。可以情恕。非意相干。可以理遣。故終身不見有喜怒之色。王登每聞玠言。輒歎息絕倒。時人語曰。衛玠談道。平子絕倒。玠妻父樂廣有重名。人以爲婦翁冰清。女壻玉潤。初何曾爲相。日食萬錢。猶云無下箸處。永嘉之末。何氏無遺種。（其暴殄之報耶）劉聰使帝執蓋。辛賓（尙書郎）死之。

東晉

自元帝丁丑至恭帝庚申。凡十一帝。共一百四年。辛酉至戊申無統者。一百六十八年。

中宗元帝

名容字景文。宣帝孫琅邪王覲之子。宣帝時。有牛繼馬後之語。及覲妃夏侯氏通於小吏牛氏而生容。冒姓司馬氏。西晉既亡。五胡雲擾。容居江表。以建武元

年丁丑即晉王位。太興元年戊寅。愍帝因問至。遂即帝位。始應繼馬之謠。都建康。在位六年。帝天性簡儉。光啟中興。惟明斷不足。有陶侃。祖逖。溫嶠諸臣。僅僅自保。不能稍返侵疆。卒以王敦肆逆。憂鬱而殂。年四十六歲。改元三。建武一年。太興四年。永昌一年。東晉自元帝至簡文。除帝奕外。凡七帝。祀帝王廟。自愍帝被執。中國無君者幾二年。及因問至。元帝始即位。爲東晉之祖。帝引王導。一大將軍。爲謀主。命導升御床共座。導辭曰。若太陽下同萬物。蒼生何由仰照。導引用顧榮。賀循。陶侃。庾亮。卞壺。刁協等。百餘人。時人謂之百六掾。初桓彝。騎都尉。避亂過江。見導。退謂周顗曰。向見管夷吾。無憂矣。時諸名士遊宴新亭。顗歎曰。風景不殊。舉目有山河之異。因相視流涕。導變色曰。當共戮力王室。克復神州。何至作楚囚對泣耶。導與從弟敦。同心輔戴。子弟布列顯要。時人語曰。王與馬。共天下。祖逖在軍。石勒不敢寇。聞王敦作亂。感激發病卒。王敦驕橫。與朝臣劉隗。刁協。相惡。陰蓄異志。任用沈充。錢鳳。俱嬖人。爲心腹。帝分鎮備之。敦舉兵據石頭城。殺戴淵。罪。顧周顗呼曰。伯仁。帝憂憤成疾。遂崩。先是敦久有逆謀。帝嘗疑導。導帥宗族待顗不與言。復狂言曰。今年殺諸賊奴。取金印如斗大。繫肘後。旣。又上表明導無罪。導初不知也。及敦欲殺顗。以問導。導竟不阻。導後見顗救己之表。泣曰。我雖不殺伯仁。伯仁由我而死。

附南陽王元保

父模。爲劉粲所殺。元保僧號建康。爲其下張春陽次所殺。

肅宗明帝

名紹。字道畿。元帝長子。元年癸未。王導受遺詔輔政。在位三年。王敦謀逆。帝與導定計討之。會敦死。戮其屍。帝智勇深沈。惜年止二十七歲。改元太寧。

王導受遺詔輔政。帝先與庾亮溫嶠等爲布衣交。至是與導亮嶠及郗鑒中書令等謀討王敦。值敦病篤。導遽率子弟爲敦發喪。敦隨死。乃發敦瘞。出屍。跪而斬之。敦之反也。使郭璞筮之。璞曰。明公起事。禍必不反。敦怒曰。卿壽幾何。璞曰。命盡今日。日中。敦斬之。

顯宗成帝

名衍。字世根。明帝長子。五歲卽位。元年丙戌。庾太后臨朝。王導。庾亮。卞

之。峻。劫帝遷於石頭。陶侃溫嶠討誅之。帝六歲時。卽知亮殺南頓王宗之枉。故能任用國士。以平大慙。改元二。成和九年。咸康八年。時蘇峻陰有異圖。亮欲徵峻。舉朝不可。亮不聽。遂徵峻爲大司農。峻果反。陷姑孰。詔亮督諸軍討之。卞壺等皆戰死。峻兵入臺城。亮逃奔潯陽。峻遷帝石頭城。桓彝（宣城內史）死之。（後峻被誅。亮泥首謝罪。帝不問授豫州刺史。）溫嶠先爲劉琨右司馬。琨遣嶠奉表詣建康勸進。謂之曰。吾當立功河朔。使卿延譽江南。嶠將行。其母崔氏止之。嶠絕裾而行。陶侃嘗爲廣州刺史。在州無事。朝連百輩。齎于齋外。暮運于齋內。或問之曰。吾方欲致力中原。故習勞耳。侃之都督荊州也。軍府事。檢攝無遺。終日斂膝危坐。無惰容。嘗曰。大禹聖人。乃惜寸陰。至于衆人。當惜分陰。嘗造船。木屑竹頭。皆令籍之。會雪晴。聽事濕。以木屑布地。及桓溫伐蜀。以竹頭作丁（釘也）。裝船。其綜理微密。皆此類也。溫嶠還鎮。至牛渚磯。聞其下多怪物。嶠燃犀角照之。見奇形異狀。是夜夢神曰。與君隔幽明。何意相照也。嶠惡之。至鎮薨。

附 邱沈 山都縣吏。僧稱漢。改姓名爲劉尸。僞號神鳳。陶侃誅之。

康帝

名岳。字世同。成帝弟。初封琅邪王。庾冰當朝。立爲帝。遂委政焉。元年癸卯。在位二年。年二十二歲。改元建元。

孝宗穆帝

名聃。字彭祖。康帝子。二歲。卽位。元年乙己。褚太后臨朝。在位十七年。伐秦。平蜀。權歸桓溫。改元二。永和十二年。昇平五年。時帝年三歲。褚太后

臨朝。以會稽王昱錄尚書事。殷浩（刺史）才名冠世。王濛嘗曰。深源（浩字）不起。如蒼生何。時庾翼（都督）亦有名。頗輕浩曰。此輩宜束之高閣。浩與褚裒（都督）齊

名。江東桓彝嘗謂裒曰。季野（裒字）有皮裏春秋。（言外無臧否。而內有褒貶。）桓溫（都督）尙成帝女南康公主。（負雄才。劉惔（丹陽尹）奇之。然知其有不臣之志。）桓

煖因謂會稽王昱曰。溫不可使其居形勝之地。昱不聽。溫益跋扈。昱引殷浩參政。以抗溫。溫甚憤。時王羲之（將軍。導從子也。）勸浩不宜與溫搆隙。浩不從。已而浩伐秦

喪師。帝廢浩爲庶人。自此內外大權歸于溫矣。浩嘗書空作咄咄怪事字。溫謂郝超曰。浩有德有言。朝廷用違其才耳。溫將以浩爲尚書令。浩喜。將答書。慮有謬誤。開閉者

十數。竟達空函。溫怒。遂與浩絕。溫用郝超爲參軍。王珣爲主簿。府中語曰。髯參軍。短主簿。能令公喜。能令公怒。溫自江陵北伐。與寮屬登平乘樓。望中原。歎曰。遂

使神州陸沈。百年正墟。王夷甫（衍字）諸人。不得不任其責。先是庾亮居外鎮。執朝

導每發言。一座稱善。述正色曰。人非堯舜。安得每事盡善。初王導辟王述爲掾。權。導不平。嘗遇西風塵起。舉扇自蔽。徐曰。元規（亮字）塵汚人也。

孝哀帝

名丕。字千齡。成帝長子。初封琅邪王。褚太后立之。元年丙寅。在位四年。桓溫專政。帝餌長生藥。中毒崩。年二十五歲。改元二。隆和一年。興寧三年。桓溫

疏請遷都洛陽。孫綽（著作郎）疏其不可。綽少慕高尚。嘗著遂初賦以見志。溫見綽表。不悅曰。致意興公。（綽字）何不尋君遂初賦。而與人家國事耶。

廢帝

名奕。字延齡。哀帝弟。褚太后立之。元年丙寅。在位五年。桓溫陰蓄異志。廢帝爲東海王。尋降爲海西公。太元十一年薨。年四十五歲。改元太和。時溫位諸侯王上。

陰懷不臣。嘗撫枕歎曰。男子不能留芳百世。亦當遺臭萬年。及伐燕。與慕容垂戰敗于枋頭。威名頓減。已而拔壽春。謂郗超曰。足以雪枋頭之恥乎。超曰。宋也。公不爲伊霍之舉。無以立大威權。溫遂詣建康廢帝。立會稽王昱。溫仍請還鎮姑孰。

太宗簡文帝

名昱。字道萬。元帝少子。初封會稽王。桓溫迎立。元年辛未。在位二年。年五十三歲。改元咸安。簡文美風儀。清虛寡慾。然無濟世大略。

烈宗孝武帝

名曜。字昌明。簡文帝第三子。九歲即位。元年癸酉。太后臨朝。謝安輔政。桓溫來朝。欲移晉祚。安與笑語移日。遂還鎮。秦苻堅入寇。安使謝石謝

元大破之於淝水。及安卒。王道子秉政。君臣酣飲。國事日荒。在位二十四年。年三十五歲。爲張貴妃所弑。改元二。寧康三年。太元二十一年。簡文遺詔曰。家國事一稟大司馬溫。溫安冀簡文臨終禪位。一旦失望。心疑王坦之（侍中）謝安（侍中）所爲。恨之。於是入朝。或言欲殺王謝。溫大陳兵衛。廷見朝士。坦之流汗沾衣。倒執手版。安從容就席。謂溫曰。安聞諸侯有道。守在四鄰。（不用兵甲）明公何壁後置人耶。溫笑而撤之。郗超爲溫謀主。溫使超臥帳中。聽其言。風動帳開。安笑曰。郗生可謂入幕之

賓矣。安與坦之盡忠輔衛。卒安晉室。會溫卒。溫冲弟代領其衆。冲能忠於晉。桓溫慕王敦。嘗行經王敦墓。望之曰。可人可人。初王敦慕曹操。至詠其樂府歌。以如意打唾壺爲節。壺邊盡缺。安少有重名。嘗遊東山。以妓女自隨。士大夫相謂曰。安石（安字）不出。如蒼生何。時秦王苻堅。太舉入寇。帝使安弟石。都督姪玄。將軍。拒堅。時衆心危懼。安惟鎮以和靜。玄入問計。安曰。已別有旨。旣而寂然。命駕遊山墅。與客圍碁。若無事者。已而秦將梁成屯洛澗。玄命劉牢之直前擊之。斬成。秦兵赴淮水死者甚衆。堅見晉兵嚴整。望八公草木。皆以爲晉兵也。秦兵過淝水而陣。玄等渡水擊之。秦兵大敗。聞風聲鶴唳。皆以爲晉兵。死者十七八。安得捷書。與客圍碁如故。客問之曰。小兒輩。遂已破賊。旣罷局還內。過戶限。不覺屐齒之折也。帝委政會稽王道子。寵張貴人。嗣爲貴人所弒。初鄒超黨桓氏。以父愔忠於晉。絕不令知。及超病。出一箱書授門生。曰我死之後。若我父過哀。卽呈此。不爾。便焚之。超卒。惜果成疾。門生呈箱。皆與溫往反密計也。愔怒曰。小子死已晚矣。遂不復哭。時長星見。帝舉酒祝之曰。長星勸汝一杯酒。自古何有萬歲天子耶。

安帝

名德。字德宗。孝武帝長子。元年丁酉。在位二十二年。桓玄廢爲平固王。劉裕誅玄。帝復位。後復爲裕所弒。年三十七歲。改元三。隆安五年。元興三年。義熙十四年。桓玄者。襲南郡公。溫之孽子也。時王國寶（僕射）等。諂附道子。玄謀討之。說殷仲堪（都督）曰。請興晉陽之甲。共除君側之惡。晉趙鞅取晉陽之甲。以逐荀寅與士吉射二人。君側惡人也。仲堪許之。遂殺國寶等。旣而玄與仲堪忤。殺仲堪。玄勢益強。時道子之子元顯。尙書令。謀討玄。玄斬之。道子等皆死。玄自爲相國。封楚

王·桓謙（刺史）私問劉裕·（時爲內史）曰·楚王勳高·朝廷之情·咸謂宜有損讓·卿以爲何如·裕曰·有何不可·謙喜曰·卿謂之可即可耳·於是玄稱帝·廢安帝爲平固王·玄登御床忽陷·羣下失色·殷仲文（尙書）進曰·將由聖德深厚·地不能載·玄悅·玄嘗以劉裕爲人傑·玄妻曰·裕龍行虎步·宜早除之·玄不許·至是裕與何無忌劉毅等討玄·玄懼甚·或曰·裕等烏合·必無成·玄曰·裕一世之雄毅·家無擔石儲·搏捕一擲百萬·無忌酷似其舅·（無忌·劉牢之之甥也）·共舉大事·何謂無成·（無忌夜草檄文·其母窺之·泣曰·吾不及東海呂母明矣·呂母者·子爲縣吏·宰以小罪殺之·呂母乃傾家資以報讎·事在新莽天鳳四年）·於是裕大破玄兵·玄出走·玄復挾安帝入江陵·馮遷（都護）擊玄誅之·裕以劉穆之爲左僕射·託以心膺·穆之內總朝政·外供軍旅·目覽耳聽·手答口酬·悉皆瞻舉·決斷如流·裕伐蜀伐秦·執晉柄者幾二十年·

（北魏崔浩曰·劉裕之平禍亂·司馬德宗之曹操也·安帝字德宗）

附桓玄 譙人·彝孫·溫子·元興元年反·僭號大亨·尋改建始·明謙玄弟·僭號天康·一作天安·

恭帝 名德文·安帝弟·初封琅邪王·劉裕立之·元年己未·在位一年·裕篡其位·廢爲零陵王·居秣陵·尋弑之·年三十七歲·改元熙元·

十六國 以建國之年爲次·而以蜀漢李氏·附其後·共十七國·

北漢 後爲前趙 始永興·元年甲子·終咸和四年己丑·凡四傳·共二十六年·趙劉淵國號·以後石勒亦稱趙·故稱淵爲前趙·

高祖劉淵

字元海。匈奴左賢王豹之子。自謂漢甥。冒姓劉。晉永興元年。據平陽。自稱大單于。尋稱帝。凡六年。改元三。元熙四年。永鳳河瑞各一年。

烈帝聰

字元明。淵次子。兄和立一月。聰弑之。代立。凡八年。改元四。光興一年。嘉平四年。建元一年。麟嘉二年。粲字士光。聰子。

凡數月。其丞相靳準弑粲代立。稱漢天王。喬泰斬之。

曜

字永明。淵族子。改國曰趙。據長安。改元光初。弑懷。曜。后羊氏。犯晉之罪。曜爲首惡。凡十年。石勒殺之。

• 曜子熙。
• 奔上邦。

附 **句渠知**

巴魯。僭號平趙。

前燕

治永嘉二年戊辰。終太和五年庚午。凡四傳。共六十三年。

高祖慕容廆

字奕落瓊。鮮卑也。世居遼東。晉永嘉二年。自稱鮮卑大單于。太興四年。都督幽平二州事。封遼東公。年六十五歲。太祖

皝

字元貞。廆子。晉咸和八年。以北平將軍。行幽平刺史。據龍城。乙巳以後。不用晉年號。自稱燕王。凡十二年。年五十二歲。烈祖儁字宣

號子。己酉稱帝於鄴。凡十一年。年五十三歲。改元二。元璽八年。光壽三年。

幽帝特

字景茂。儁子。庚申立。改元建熙。凡十一年。苻堅滅之。

後趙

後爲

魏

始太興二年己卯。終永和七年辛亥。凡兩姓。七傳。共三十三年。後冉閔改國號曰魏。

高祖石勒

晉世龍。初名匄。小字句勒。上黨武鄉郡。匈奴別部也。初并州大饑。東

晉永興二年。成都故將公師藩冠掠趙魏。桑與勒帥數百騎赴之。桑始命勒以石爲姓。勒

爲名。永嘉元年。爲晉將苟晞所敗。乃與胡部大張劬等。降劉淵。封勒爲平晉王。太

興二年。勒殺曜。自稱趙王。據襄國。後徙臨漳。改元太和。凡二年。稱帝。改元建平。凡四年。年六十四歲。改元

宏。字大雅。勒次子。改元延。二十二歲。太祖虎。字季龍。勒從子。初封中山王。弒宏自立。稱居攝天王。遵。字大祗。初

爲彭城王。弒兄世自立。改元永寧。尋爲石鑒所弒。鑒。字大朗。虎養子。改元青。祗。字大祗。初

冉閔。小字棘奴。虎養子。弒鑒自立。改元曰魏。改元永興。凡三年。

前涼

始太興三年庚辰。終太元元年丙子。自茂建國。至天錫。凡六傳。共五十七年。

太祖張軌

字士彥。安定烏氏人。漢常山王耳。十七世孫。據涼州。年六十歲。

改元永安。太宗茂。字成遜。寔弟。寔子駿幼。茂代立。改元永元。凡五年。年四十八歲。

高祖寔

一作寔。字安遜。軌子。丁丑立。稱晉建興五年。一作曰

世祖駿

字公庭。實子。一作公

涼王·改元太元·凡二十五年·年四十歲·**敬烈王重華**·字泰臨·一作太林·駿次子·改元永樂·凡八年·年二十四歲·**威王祚**·字太

伯·小字螽斯·駿庶長子·殺重華子靈耀·**敬悼公元靚**·字元安·重華少子·改元建興·又改太始·凡八年·天

錫弑·**悼公天錫**·字公純·駿少子·癸亥自立·改元太清·凡十四年·秦苻堅滅之·**大豫**·丙戌·據陽鳩·稱涼州牧·後

涼呂光殺之·

前秦·始永和七年辛亥·終太元十九年甲午·自健建國·凡六傳·共四十四年·

太祖苻洪·字廣·始略陽臨渭氏也·其先有扈氏苗裔·世爲西戎酋長·家池蒲生五丈·有節如竹·遂以蒲爲姓·又隴西大雨·謠曰·雨若不止·洪水必起·因

名洪·後以識文有艸付王·其孫堅背文有艸付字·遂改姓苻·晉懷帝時·自稱秦州略陽王·穆帝時·自稱三秦王·爲故趙將麻秋所醜·年六十六歲·**世宗健**

字建業·洪子·晉永和七年·據長安·即天·**厲王生**·字長生·健子·乙卯立·改元壽王位·改元皇始·凡四年·年四十九歲·

三歲·**世祖堅**·字永固·東海王雄子·洪孫也·丁巳爲秦天王·凡二十八年·能用王猛·獨不聽其臨歿之言·以至於敗·以鳩摩羅什爲國師·使佛書布於中國·

·後爲姚萇所縊·年四十八歲·改元三·**哀平帝丕**·字永敘·堅庶長子·凡一年·西燕·永興二年·甘露六年·建元二十年·